

**Cogitationes, Sive Considerationes Christianae Pro
singulis Anni diebus**

Complectens Julium, Augustum, Septembrem

Nepveu, François

Monachii, 1709

Dies 30. De amore Jesu Christi.

[urn:nbn:de:hbz:466:1-60520](https://nbn-resolving.de/urn:nbn:de:hbz:466:1-60520)

Augustus. ☰ ☱ ☲ ☳ ☴ ☵ ☶ ☷ ☸ ☹ ☺

DIES XXX.

De Amore IEſu Christi.

*Amare debemus IEſum Christum, qui
ipſe nos amat.*

I.

A Morem nec mereri, nec compensare a-
liter possumus, quām amore. Christus nos amavit. Qui igitur fieri potest,

1. Ioan. 4.

19.

ut ipsum non amemus? diligamus Deum,
inquit S. Joannes, quoniam ipſe prior dilexit
nos; sed quomodo nos dilexit? modus a-
mandi, inquit S. Bernardus, est amare si-
ne modo; hunc modum Christus observa-
vit in amore, quo in nos ferebatur; annon
ſine modo nos amavit, dum magis nos a-
mavit, quām ipſimet nos amemus? & ta-
men quousque nostri ipsorum amor non
progreditur? is magis nos amavit, quām
omnes Beati coniunctim Deum ament;
cūm amor eorum finitus, Christi verò a-
mor infinitus sit; is nos magis amavit,
quām omnia sua bona, quām gloriam,
quām vitam suam; cūm eas nobis confe-
crārit. Sic dilexit. An non hoc est ama-
re ſine modo? ſi Christus tam amabilis

Io. 3. 16.

non



non foret, quām est; si tanta pro nobis nec egisset, nec passus esset; cūm tamen nos amet, & supra modum nos amer, an imperare nobis possumus, ut ipsum non amemus? nos, qui amamus hominem quantumcunque vilem, imò & canem, ut primum is suum in nos amorem testatur? Christus sibi non persuadet, se nimium præstare, omnem suum amorem nobis impendendo, quantumvis infinitum; & nos cor nostrum tantopere limitatum dividimus? si non possum te, Servator mi, amare, quantum mereris, amabo te saltem, quantum possum; hic est unicus modus, quem observare cupio; cæteroqui te non amo, quantum debeo.

II. IESUS nos amavit, et si in nobis non invenerit, quod eum ad nos amandos alliceret, sed è seipso, & propria sua bonitate deprompsit omnes nos amandi rationes. Nos amamus homines, quod eos amore dignos judicemus: IESUS verò nos amando, dignos amore nos reddidit; et si in nobis nihil invenerit, quod amare posset: vel enim nos intuitus est in nihilo naturæ: sed id, quod nondum existit, amore dignum non est; vel in nihilo gratiæ, vide licet in peccato originali, vel actuali, quo eramus irretiti; verum in hoc statu tan-

O cùm



Augustus.

tum aberat , ut amore digni essemus ; ut potius scopus odij , & horroris ipsi esse meremur. Et nihilominus in hoc statu nos amavit , unaque amabiles reddidit ; cum amoris ejus fuerit effectus , sanguine suo nos redimere , scelerum nostrorum veniam nobis obtainere , & gratiam suam justos nos reddere. Ah ! mi Servator , tu amasti me tunc , cum nullam haberes me amandi causam ; tunc , cum omnes rationes odio me prosequendi haberes : & ego non amerem te , qui causas te amandi habeo infinitas , te , inquam , qui tam amabilis es. Si posthac amoris mei scopus non es ; mereor nec abnuo , odij tui esse scopus. Quam horrenda , sed quam justa pæna !

III. IESUS nos amavit , non tantum nullo invento in nobis amoris incitamento ; sed etiam sine ulla spe ullius commodi nam , ah ! Servator mi , quid commodi tibi accrescit , quod te amem ? si te non amo , tota infelicitas in caput meum recidet. Ad te vero quod attinet , nec minus eris magnus ; nec minus beatus ; nam tibimet ipsi sufficis. Et quidnam addere gloriae , & felicitati tuæ potest amor vilis creaturæ , quis ego sum ? Cur , Servator mi , me amasti ; cum nullum capere posses emolumendum ex eo , quod me amares ? & ego non amem

cc




te, ego, qui obstrictus sum ob omnium ^{Augustus} commodorum maximum te amare? si enim te non amo, quis sum, nisi reprobatus? at, potesne dicere, anima mea, te IEsum amare? & si è te percunctaretur, sicut è Petro, an ipsum ames, possesne æquè, ac ille, verè respondere, te ipsum amare? Et si hoc ei reponeres, an non modicus tuus ei displicendi metus, exiguum tuum ei placenti desiderium, exiguum tuum gloriae ejus promovendæ studium, exiguus tuus ei serviendi fervor, ingratus pro ejus beneficijs animus, tua in ejus gratias infidelitas, exigua tua eum quærendi solertia, tuus axiomatum ejus contemptus, & exemplorum ipsius fuga, mendacij te arguerent?

Imaginare tibi, Dominum nostrum id ipsum ex te querere, quod è S. Petro: amas me? & scrutare cor tuum, ita tamen, ut tibi non adulteris, quod judices, an verè ei respondere possis, te ipsum amare.

Nos ergo diligamus Deum, quoniam prior dilexit nos. *I. Io. 4, 19.*

Si pigebat amare Deum, redamare non pigeat. *Bern.*



O 2

DIES